

У менинг биродарим



09:10 / 26.06.2019 2045

Абу Дардо розияллоҳу анҳу гуноҳ иш қилиб қўйган бир одамнинг олдидан ўтиб қолдилар. Одамлар уни сўкишарди. У киши одамларга қараб, «Агар у қудуққа тушиб кетса, уни чиқариб олмасмидингиз?» деб сўрадилар. Улар: «Чиқарардик», дейишди. Абу Дардо розияллоҳу анҳу: «Биродарингизни сўкманглар, уни сўккандан кўра сизларни гуноҳдан сақлаган Аллоҳ таолога ҳамд айтинглар», деди. Одамлар: «Бу кишини ёмон кўрмайсизми?» деб сўрашди. Абу Дардо розияллоҳу анҳу: «Мен унинг қилган амалини ёмон кўраман, лекин бу ишини ташласа, у менинг биродарим», деб жавоб бердилар.

«Солиҳлар гулшани» китобидан